



DogsTrust

**BUDI  
SIGURAN,  
BUDI  
ODGOVORAN**



**PSEČI JEZIK GOVORIM**






# **PRAVILA** **SIGURNOSTI**

U KONTAKTU SA PSOM I U BLIZINI PASA

Zamislite da se nalazite u zemlji  
čiji jezik ne govorite i da niko ne  
razumije vaša pitanja. Kako biste  
se vi osjećali? Naučite jezik svog  
psa kako biste ga bolje razumjeli i  
kako ne bi dolazilo do nesporazuma!  
Poštujte prirodu pasa i obavezno  
koristite principe sigurnosti u  
kontaktu sa psima ili u blizini pasa!




## PRAVILO BROJ 1

# PSI NISU KAO LJUDI I NE VOLE ZAGRLJAJE!

Čak i inače vrlo prijateljski raspoložen i veseo pas može te nenamjerno povrijediti ako se uplaši!



DOBAR PAS!  
BUDI SIGURAN  
1  
BUDI ODGOVORAN



## PRAVILO BROJ 2

NEMOJ PRILAZITI PSU,  
VEĆ PUSTI DA ON PRIDE  
TEBI AKO TO ŽELI

NE PRUŽAJ RUKU PREMA NJEMU VEĆ  
MU DOPUSTI DA TE SAM ONJUŠI!

Ako vidiš prijateljski raspoloženog psa na povocu s vlasnikom i želiš ga pomilkiti, prvo za odobrenje pitaj roditelja, zatim vlasnika a potom "pitaj" psa. Ako ti pas ne pride, to znači da nije raspoložen za upoznavanje. Poštuj njegovu "odluku" – jer ni ti nisi uvijek raspoložen za druženje.





## PRAVILO BROJ 3

KADA ŽELIŠ DA  
POMILUJEŠ PSA,  
NIKADA NEMOJ RUKOM  
KRENUTI PREMA  
GLAVI PSA JER SE  
MOŽE UPLAŠITI.

Zamisli da prema tebi ide neko mnogo veći od tebe i rukama kreće prema tvojoj glavi. Kako bi se ti osjećao/osjećala?!







## PRAVILO BROJ 4

NIKADA NE PRILAZI  
NIJEDNOM PSU KADA  
SPAVA ILI JEDE, ČAK  
I AKO JE TO TVOJ  
LJUBIMAC.

Psi ne razmišljaju isto kao mi, i nagli prilazak kada jedu može im se učiniti kao prijetnja da će izgubiti svoju hranu. Isto tako, ako psa naglo probudiš, on te nenamjerno može povrijediti jer će se uplašiti!






## PRAVILO BROJ 5

# AKO PAS SKOČI, STANI I OVAKO PREKLOPI RUKE

Ponekad pas postane ushićen jer želi da se igra, jer je možda vidio drugog psa, ili jer se nečega uplašio. Pas ne zna da te ako skoči na tebe, može u najmanju ruku uplašiti, ali i oboriti i povrijediti. Zato, ako je pas ushićen i skače, stani mirno ("zaledi se"), preklopi ruke na prsima (kao na slici), i nastoj da izgledaš kao da te ne zanima to što pas radi. Tako će pas uskoro izgubiti interes i otići od tebe.





## PRAVILO BROJ 6

# NIKADA NE PROIZVODI GLASNE ZVUKOVE I NE VICI U BLIZINI PSA!

Razmislite o tome kako se vi osjećate kada iznenada čujete glasan zvuk. Naravno, uplašite se! Ali čim shvatite da taj zvuk nije opasnost, smirite se. Pas ne može misliti kao čovjek niti zaključiti znači li glasan zvuk opasnost ili ne. Ako se uplaši, svaki pas može imati reakciju kojom nenamjerno nekoga može povrijediti.






## PRAVILO BROJ 7

# NIKADA NE TRČI AKO JE NEPOZNAT PAS U TVOJOJ BLIZINI!

Ako se plašiš pasa, a vidiš nepoznatog psa, u parku, na ulici ili u kući, možeš pomisliti da je najbolje da potrčiš i što prije pobjegneš od njega. Ali STOP! Ako potrčiš, pas će pomisliti da treba da te lovi. Ponekad će misliti da se želiš igrati, ali ponekad i da si plijen kojeg treba uhvatiti.







## PRAVILO BROJ 8

DA BI BIO ŠTO SIGURNIJI  
U KONTAKTU SA PSIMA,  
NIKADA NE VUCI PSA  
ZA REP ILI UŠI!

Mnoga djeca vole pse, a oni koji ga imaju ili poznaju nekoga ko ima psa, često se igraju s njim i uživaju u tome. Ipak, pri svakoj igri sa psom moraš biti oprezan, i nikad ga ne uplašiti naglim pokretom ili dodirrom koji ne očekuje i koji mu nije ugodan.







ČESTI

# MITOVI

O GOVORU TIJELA PSA


Ako naučiš da čitaš jezik pasa, bit ćeš sigurniji u blizini ili u kontaktu s njima, a ako se radi o tvom ljubimcu, i on će biti jako sretan što njegov omiljeni čovjek razumije „pseći jezik“! Ali budi oprezan! Pojedinačni govor tijela psa ponekad može zavarati!

## MIT BROJ 1:

AKO PAS MAŠE REPOM,  
TO UVIJEK ZNAČI DA JE  
PRIJATELJSKI RASPOLOŽEN!



**✘** POGREŠNO!



Signali koje pas daje govorom tijela, pa čak i položaj i način mahanja repa, može ponekada biti znak da je pas uzrujan a ne sretan. Zato je potrebno pomno gledati njegovo cijelo tijelo i izraz lica te koristeći stečeno znanje nastojati „pročitati“ situaciju u kojoj se pas nalazi.



## MIT BROJ 2:

PAS KOJI LEGNE NA LEĐA I POKAŽE VAM STOMAK, ZAPRAVO JE POKORAN I BEZOPASAN, I TRAŽI DA GA POMILUJETE PO STOMAKU!

✘ **POGREŠNO!**



Mada ponekad pas koji legne na leđa doista pokazuje naklonost, to najčešće radi samo nekome koga dobro poznaje. Ako se nađete u društvu nepoznatog psa u ovom položaju, držite na umu da on time možda poručuje „ne želim nevolju, ali mi treba prostora“.



## MIT BROJ 3:

ZIJEVANJE PSA  
UVIJEK JE ZNAK DA JE PAS  
UMORAN I POSPAN!

**✘** POGREŠNO!



Kao i ljudi, i pas ponekad zijeva jer je pospan. Ali, kod pasa učestalo zijevanje može značiti da mu je zbog nečega neugodno. Kao i za svaki drugi signal koji pas daje, važno je gledati situaciju koja psa okružuje i govor njegovog tijela u cjelini.



## MIT BROJ 4:

”NASMIJANI” PAS  
JE PRIJATELJSKI  
RASPOLOŽEN.

✘ **POGREŠNO!**



Pokazivanje zuba u svijetu životinja uglavnom je vezano za prijetnju! Ako pas pri tome ima ukočeno tijelo, naboranu njušku, a posebno ako reži – **NE PRILAZI!** Neki ljudi znaju prepoznati kada je pas doista „nasmijan“ – jer tada ima opušteno tijelo, blago otvorena usta i mirno dahće.





## MIT BROJ 5:

PAS SE OBLIZUJE SAMO KADA  
JE GLADAN ILI KADA JE UPRAVO  
ZAVRŠIO S OBROKOM!

**✘** POGREŠNO!



Ako se pas oblizuje, a nije nedavno završio s hranom, moguće je da vam šalje drugačiju poruku i govori vam da mu je nešto u okruženju neugodno i da ga plaši! A strah kod psa može izazvati neočekivanu reakciju!





# Poruka za roditelje, te nastavnike, pedagoge i direktore osnovnih škola

Ako i vaša škola želi biti dio **besplatnog  
Dogs Trust Programa edukacije školske  
djece** dobi od 7 do 11 godina, a koji  
se provodi diljem BiH uz odobrenje  
relevantnih lokalnih ministarstava,  
kontaktirajte nas na **office@dogstrust.ba**  
ili pozovite našu info liniju: **033 832 593.**



O ovim korisnim edukativno-zabavnim radionicama na kojima djeca kroz nastavni plan i program uče kako da budu što sigurnija u kontaktu sa psima i u blizini pasa, te o njihovim potrebama i važnosti odgovornog vlasništva pasa za cijelu zajednicu, saznajte više putem kratkog filma kojeg možete pronaći na našoj web stranici: [www.dogstrust.ba/djeca](http://www.dogstrust.ba/djeca).





**Predstavništvo Fondacije Dogs Trust u BiH**  
Gorica 61, 71000 Sarajevo, Bosna i Hercegovina  
**T** 033 832 593 **T** 033 837 649 **F** 033 832 634  
office@dogstrust.ba | **www.dogstrust.ba**

